



華崖先生文集序

宣教郎知鄂州崇陽縣主管勸農營田公事天台



郭森卿題辭

故禮部尚書忠定張公以直道事
太宗

真宗雖不登相位而眷倚特隆天下誦其事業而鮮
有知其文者今觀其文大抵脫去翰墨畦迳無屬詞
綴文之迹而磊々落落々實大以肆方國初踵五季文
氣之陋柳仲塗穆伯長輩力為古文以振之公初不
聞切磨於此而當時老于文學者稱其秉筆為文有


三代風蓋其光明碩大之學尊主庇民之道英華發
外而經竒典雅得于天韻之自然殆非語言文字之
學所能到也崇陽本公遺民也後之君子欲誦其詩
讀其書將于是乎取而無傳焉可乎森卿初至邑會
舊尹三山陳侯樸授一編書乃公遺文欲刊之縣齋
而未果屬使成之讀其歌詩有古樂府風氣律句得
唐人体若聲賦之作又其傑然雄偉者因揭以冠編
首或者以小英歌等不類公作然其詞艷而不流政
自不害為宋廣平梅花賦耳語錄舊傳有三卷今采
摭傳記僅為一卷附焉遺事所載未備輒以所聞增

廣又于石刻中增收詩八篇好事者有為公年譜亦
加刪次別為一卷尚論其世者也宜有取爾舊本得
之通城楊君津家凡十卷今為十二卷其會梓訂証
寔屬之尉曹孫君惟寅而使學生存中參焉外有韓
魏公所作神道碑內翰王公送公宰崇陽序巽岩祠
堂記項平菴北峯亭記此其文皆知公之深者爰並
錄之覽者得詳焉

乖崖先生文集序終

附錄

忠定公傳出東都事畧



張詠字復之濮州鄆城人也舉進士知崇陽縣又知
浚儀縣稍遷太常博士為荆湖北路轉運使入覲除
虞部郎中授樞密直學士同知銀臺封駁司張承德
為并州帥有小校犯法笞之至死
詔按其罪詠封還

詔書且言

陛下方委承德遷任若以一部校故推辱主帥臣恐
下陵上自此始

太宗不從未幾果有營卒脅訴軍校者詠復引前事

為言

太宗乃改容勞之出知成都府李順亂後寇掠之際
民多有從詠移文諭以朝廷恩信使各歸田里詠
曰前日李順脅民為賊今日吾化賊為民不亦可乎
後廣武卒劉盱謀作亂掠懷安破漢州及永康軍蜀
州招安使上官正頓師不進詠以言激正勉其親行
仍盛為供帳餞之酒酣舉爵謂將校曰尔曹受國厚
恩此行當直抵寇壘平蕩醜類若曠日持久此地即
尔死所矣正恨由是遂取勝時民間訛言有白頭老
人午後食人男女郡縣說之至暮路無行人既而得

倡為訛言者戮之于市即日帖然詠曰妖訛之興泯
氣之乘妖則有形訛則有聲止訛之術在乎誠斷不
在乎厭勝其為政息威並用蜀民畏而愛之初蜀士
知向學而不樂仕進詠察郡人張及李畋張達者皆
有學行為鄉里所服遂延獎加礼敦勉就學而三人
者悉登科于是蜀之學者知勸文風日振詠在蜀采
訪民間事悉得其實常曰詢君子得君子訪小人得
小人各就其党詢之則事無不審矣入拜為給事中
為御史中丞以工部侍郎出知杭州遇歲歉民私鬻
鹽者輒寬之使獲安濟有與其姊壻訟家財者壻言

婦翁疾篤子纔三歲遺書明言異日貲產以千之三
付子餘七與壻詠曰汝婦翁智人也以子幼託汝苟
以七與子則子死汝手矣命以七給其子餘三給壻
時皆服其明決知永興軍

真宗以詠在蜀治行優異復命知益州仍加刑部侍
郎

真宗遣使傳諭曰得卿治蜀朕無西顧憂歸朝求知
穎州

真宗乃命知昇州：率火災詠廉知民之不逞者為
之懲以峻刑其患遂息轉工部尚書進禮部詠自金
陵造朝以腦瘍未見詠不得面陳所懷乃抗論言近
年虛國家帑藏竭生民膏血以奉無用之土木者皆
賊臣丁謂王欽若啟上侈心之所為也不誅死無以
謝天下章三上出知陳州初詠與青州傅霖少同學
霖隱不仕詠既中第致位光顯散遣親密四方求霖
者三十年不可得詠守陳一日霖來謁閤吏走白詠
詠責吏曰傅先生天下賢士吾尚不得而友汝何人
敢姓名乎霖笑曰別子一世尚尔耶是豈知世間有
傅霖者乎詠且問昔何隱今何出霖曰子將去矣來
報子尔詠曰詠亦自知之霖曰知復何言翌日而去

後一月而詠卒年七十贈右僕射謚曰忠定詠剛方尚氣嘗有士人游宦遠郡不能制其僕詠假以出郊斷其首而還又有小吏忤詠械其頸吏恚曰吏罪不至斬詠怒其悖郡斬之少學擊劍好為大言喜事奇節嘗謂其友人曰張詠幸生明時讀典墳以自律不尔則為何人耶故其言曰事君者廉不言貧勤不言苦忠不言己効公不言己能斯可以事君矣詠不喜人拜有拜之則速拜不已或倨坐忿罵嘗自號乖崖公以乖則違衆崖不利物云

宋故樞密直學士禮部尚書贈左僕射張公墓

誌銘

錢易

公諱詠字復之族本居鄴占籍于澶之臨黃家世遷徙今為濮之郵城人也曾祖立曾祖母李氏祖鐸祖母馬氏皆潛隱不耀肥遯丘園考諱景先以公為秘書丞時授大理評事致仕淳化四年秋卒以公貴累贈太常卿妣謝氏追封新昌郡太夫人咸平中合葬于郵城公幼負奇骨不為兒戲既長出閭里奮然就學太平興國四年秋詣大名府進士今相國上谷公即其友也共以書白尹薦張覃為解首故河朔間有廉遜之風焉明年春試于便坐擢上第除廷尉評知

鄂州之崇陽六年郊祀轉將作丞雍熙元年大禮遷
佐著作三考既理民疏其善固留之公判而絕之民
不敢留解任除太子中允通判麟州時夏臺未安邊
鄙方聳公多以兵法從事洎西戎即叙公之有畫
馬端拱元年藉田轉秘書丞二年春充禮部考試官
畢通判相州上言具慶之下不便迎養乞督濮之市
征詔從之旨甘從志菽水歡心雖權木之茸斯不為
愧 年赴闕賜五品服知浚儀縣振北部之風凜然
可畏未幾出為荆湖北路轉運使即故樞密宋公文
靖李公與今上谷相國之所薦也瘴善瘴惡知無不

為淳化四年郊鄧轉太常博士其年夏詔赴闕賜封
長春殿賜金紫翌日除虞部郎中浹旬授樞密直學
士賜錢五十萬始判銀臺通進司兼門下封駁事仍
摠三班院五年八月出知益州中謝日面賜金一百
四十勛國家以大軍未集留半歲不遣公潛使人納
于內帑至秋有詔督行遂馳驛而往終不復言至道
二年竄轉兵部郎中丁太夫人憂隨凶訃除起復之
命重方面之寄也今 上嗣位就拜左諫議大夫學
士如故歷四考歸闕得告拜墳域于濮上尋徵為給
事中戶部使七旬授御史中丞咸平二年春與故禮

部尚書溫公同知貢舉其年夏改工部侍郎知杭州
五年冬替知永興明年春轉刑部侍郎復為樞密直
學士再知益州景德二年就轉吏部明年解政還輦
下復管三班院兼判登聞檢院時瘍發于腦艱于晨
櫛拜章求外任養病遂知金陵後兼充江南東路安
撫使值東封轉左丞既滿民留再任就拜工部尚書
祀汾陰加禮部尚書而厥疾增劇乞還京自草奏書
乞分司洛下詔不允出知陳州至大中祥符八年八
月一日棄館舍于理所享年七十詔贈尚書左僕射
前夫人唐氏先公而卒繼室太原郡夫人王氏即故

河陽三城節度使同中書門下平章事顯之女也以
天禧二年終于陳州之私第咸擅女德崇婦道而配
于公子從質衛尉丞公之棄世後二十八日以哀毀
構疾而殂孫曰約曰綜曰緯皆奏授將作主簿曰紳
尚幼女一人適故翰林院學士王公禹偁之子奉禮
郎嘉祐祥符九年十月卒外孫曰壽今任郟城簿以
天禧四年八月二十九日權葬于陳州宛丘縣孝悌
鄉謝村里祀也公累階至正奉大夫累勲至上柱國
累爵至開國公累食邑至三千七百戶食實封至四
百戶五福俱集少多奇節歷八座之重受二聖之

知所恨者不至三事晚嬰奇疾耳公生平以剛正自立智識深遠海內之士無一異議不事產業聚典籍百家近萬卷博覽無倦副本往往手寫至于卜筮醫藥種樹之書亦躬自詳校自少學劔頗得妙術無敵于兩河間好奕碁精射法飲酒至數斗不亂惡人諂事不喜俗礼士有坦白無他腸者親之若昆弟有包藏誠素者疾之若仇讐公之臨民也吏不敢欺始若摘法而頤指之間終存仁恕之道公之決獄也人莫能測初若疑誤而片言之下窮盡幽隱之跡著文不雕飾咸據實事集十卷自謂之垂崖公之典貢舉

也盡得寒士杜絕請托礼闈舊風翕然復振任臺丞也拜白簡彈執事之失言者人甚危之而公正色不頌有風憲紀綱收餘杭也時值歲歉人多以私鹽犯禁而公皆異斷之不過二十罰于是日數百輩警邏莫敢巡檢使已下簪笏入而啟之曰法既亂矣將何為禁公怡然撫之曰當夜會飲與尔等言之其夕自行酒謂之曰錢塘十萬人饑者將八九苟不以私鹽自活或一旦蜂聚數千輩盡其死命擾其不飢者尔等將奈何吾俟其秋田有成則約之以法于是皆服高識聞之泣下是歲杭人直至秋成無一夫為盜復

有民家子與壻爭其家聚曰先人遺命候分時壻當
與七分子與三分乎澤之誓固明焉公命酌之曰汝
父智人也况汝父死之日子方三歲故托眷于壻
已四十苟子有七分之約則子死于壻之手矣今當
七分歸子三分歸壻與子皆號慟再拜仰如神明
兩任坤維也悉寇盜之後兵火之餘公理殘破禦權
要無毫髮敢動者時屯軍尚多賊熾未息城中窘迫
無旬日之糧公乃封府庫勝城門賤鹽貴米俾博易
之相次儲備悉周始安川蜀矣在建康也舊回祿之
孽人不安堵公得其竊發者折脛而斬之火是後絕

公為理之道皆此類也其服仁行義危言極諫諒標
之史官此不具載易咸平二年貢部生也以孤見收
擢之高第求言投報徒鏤肝骨今春得公第殿中丞
說書一通叙公之美見託為誌且恩館之下固不可
邀乃泐筆方礎庶存萬一銘曰
有大丈夫磊々落落不為股肱忽遷丹壑愛子繼亡
令孫胡托錢塘遺愛益郡清風金陵奇政奸盜消蹤
惟陳卧理積瘍而終霜碣號秋銀旌建夕宰木宵寒
佳城晝閒萬古千齡此焉為適

故樞密直學士禮部尚書贈左僕射張公神道

碑銘

韓琦

故樞密直學士禮部尚書贈左僕射張公以魁竒豪傑之才逢時自奮知畧神出勲業赫々震暴當世誠一代之偉人也其向守大名其孫堯夫主簿元城一日具書來告曰堯夫之曾祖昔事

太宗

真宗朝勤勞内外有大名于天下而自墓距今歷年久矣墓碑之刻缺然未立請書其實以表神道固祖烈之益光也其嘗總領史局觀所載公文武大節頗太詳矣然其絕異之政與夫遺愛之迹較然著于人

聽者猶未完悉今得與鉅賢論次而發揚之以昭示於後世誠所願已公諱詠字復之世本鄴人後徙居澶之臨黃及公墓其先于鄆城故為濮之鄆城人曾祖諱立祖諱鐸遭唐末與五代之亂皆潛養德業退處無悶父諱景以儒行自富鄉里稱之公登朝授大理評事累贈太常卿公少倜儻有大志尚氣節重然諾為學必本仁義不喜浮靡太平興國四年秋與忠愍寇公同赴大名舉議將首薦公以同郡張覃素有文行即率寇公上言請以覃為冠一府欽嘆遂如公言士論多之明年春擢進士第授大理評事知鄆

州崇陽縣事六年遇郊恩改將作監丞雍熙初遷著作佐郎歲擢太子中允通判麟州事端拱籍田恩轉秘書丞代歸通判相州事公以親老辭得監濮州稅俄遷知開封府浚儀縣事賜五品服時寇公與文靖李公故樞密副使宋公湜連薦其才擢荆湖北路轉運使淳化初就改太常博士制置使稱其能詔褒美之太宗素知公可用召還超拜虞部郎中賜三品服未逾旬擢為樞密直學士知通進銀臺司兼門下封駁事勾當三班院時張承德為并代帥小校犯法杖之而死有詔按罪公封還詔書曰承德方被邊

寄若責一小校遂摧辱之臣恐帥体輕而小人慢上矣不納既而果有營卒脅訴其大校者上始悟公言面加慰勞四年冬東西兩川旱民飢吏失救恤寇大起五年正月賊首李順陷成都府詔遣昭宣使王繼恩充招安使率兵討之復命公知成都府事五月繼恩破賊收成都上留公至秋始行時關中率民負糧以餉川師道路不絕公至府問城中所屯兵尚三萬人而無半月之食公訪知鹽價素高而廩有餘積乃下其估聽民得以米易鹽于是民爭趨之未踰月得米數十萬解軍中喜而呼曰前所給米皆雜糠

土不可食此一一精好此翁真善幹國事者公聞而喜曰吾令可行矣時益雖收復諸郡餘寇尚充斥繼思恃功驕恣不復出兵日以娛燕為事軍不戢往剽奪民財公于是悉擒招安司素用事吏至庭面數其過將盡斬之吏皆股栗求活公曰汝帥眾兵玩寇不肯出皆汝輩為之今能亟白乃帥分其兵尚可免死吏呼曰唯公所命兵不分願就戮公釋之繼思即日分兵鄰州當還京師者悉遣之不數日減城中兵半既而諸軍請食馬芻粟公命以錢給之繼思詔曰馬不食錢給錢何也公間召繼思謂曰今賊餘黨所

在尚多民不敢出招安使頓兵城中不即討芻粟民所輸今城外皆寇也何由得之繼思懼即時出城討賊公計軍食有二歲備乃奏罷陝西運糧上喜曰向益州日以乏糧為請詠至方踰月已有二歲備此人何事不能了朕無慮矣公以順黨始皆良民一旦為賊脅從復其間有疲弱偶掛盜籍者當示以恩信許其自新即揭榜諭之已而首者相踵公皆釋其罪使歸田里一日繼思械賊數十人請公行法公詢之悉皆前所自首者復縱之繼思恚而問公曰前日李順脅民為賊今日僕化賊為民不亦可乎公度繼

恩日橫不能改亟以狀聞願選忠實可倚者與繼恩
共事庶不敢獨任 上乃命入內侍省押班衛紹
欽光同招安使自是繼恩免勢為屈未幾二人者皆
召歸就以劍門關總管上官正為招安使順之餘黨
公撫安于內正擒討于外再閱月而兩川平至道二
年改兵部郎中繼丁父與母新昌郡太夫人謝氏憂
皆起復三年秋西川都巡檢使韓景祐為所部廣武
卒劉昕所 遂率衆掠懷安軍破漢州公方與寮屬
會大慈寺報至飲讌如故舉城憂之賊又掠印蜀將
趨益公適會客報者愈急公復不問其夕始召上官

正謂曰賊始發不三四日破數郡勢銳方不可擊今
又得所掠氣驕散逼吾賊乃送死耳請出兵比至方
井當遇賊破之必矣正即受教及行公為出郊相送
激其盡力正至方井果遇賊一戰斬昕首餘黨盡平
衆益服公料敵制勝人所不及

真宗即位遷左諫議大夫咸平初召拜給事中充戶
部使改御史中丞承天節大臣主齋會被酒不如礼
公彈奏之無所憚二年與溫公仲舒同知貢舉俄以
工部侍郎知杭州事時歲飢民冒禁販鹽捕獲者數
百人公悉寬其罰官屬執言不可公曰錢塘十萬家

飢孳如此若益禁益嚴則聚而為盜患益甚矣俟秋
成敢尔當痛以法繩之境內卒以無擾歲將滿杭人
詣闕請留有詔褒其善政五年冬改知永興軍府事
初公之自蜀還也詔以諫議大夫牛冕代公聞之
曰冕無撫御才其能綏輯乎始踰年果致神衛大校
王均之亂遂冕據益州後雖討平之而民尚未寧會
益守馬公知節度延安上以公前治蜀長于安集
威惠在人復以公為樞密直學士遷刑部侍郎知益
州事蜀民間之皆鼓舞相慶如赤子久失父母而知
復來鞠我也知公民信已易嚴以易凡一令之下人

情無不慰愜蜀郡復大治轉運使黃觀以政迹聞賜
詔加獎就改吏部侍郎命謝濤巡撫于蜀上遣濤
諭公曰得卿在蜀朕無西顧之憂因詔公與濤議鑄
景德大鉄錢于嘉州一當小鉄錢十銅錢一于今
便之景德三年召還復掌三班院兼封登聞檢院中
歲瘍生于腦不能中禱求知穎州上以公名臣有
人望兩守益都政無及者不當屈于小郡以真定府
青州皆大都也聽公自擇公皆不就上曰昇州可
乎公即拜命大中祥符元年東封恩轉尚書左丞時
金陵多火灾居者不安公廉知皆奸民所為潛捕得

之乃命先折其頸斬之以徇火患遂絕中使祠茅山
還言城中有黃雀蔽日而墜空中聞水聲上視占
書生民勞謂輔臣曰但守臣得人此固無患今詠在
彼又何虞也三年春秋滿昇民請留遷工部尚書再
任俄以江東早命兼昇宣等十州安撫使祀汾陰恩
加礼部尚書以瘍疾甚上章求分司西京上聞之
亟令代還不能朝懇請便郡差知陳州事終于八年
八月一日年七十上嘗稱公有將相器以疾未及
用至是大痛惜之命優贈官

仁宗朝追謚忠定公天賦正直濟以剛果始終挺然
無所屈撓自力學筮仕則有澤及天下之心而以富
貴為薄逸人傳霖高蹈之士與公素善公嘗與夜會
劇談時諸隣多病瘡者一夕頓愈逮登第與傅詩有
巢由莫相咲心不為輕肥之句此見公之志也嘗訪
三峯陳先生搏一見公厚遇之頌謂弟子曰此人與
名利淡然無情達則為公卿不達則為帝王師其為
高人推重如此早學擊劍遂精其術兩河間人無敵
者生平勇于為義遇人艱急苟情有可哀必竭力以
濟無所顧惜當官凡所設施動有遠識始時人或不
能測其後卒有大利民感無窮至自奉養逮于服玩

之具則寡薄儉陋雖寒士不若也公退闢靜室焚香
燕坐聚書策卷徃々手自校正旁無聲色之好臨事
明決出人意意外允斷事以辭者人皆集錄于今傳之
在餘杭有富民病將死子方三歲乃命其壻主其貲
而與壻遺書曰他日欲分財即以十之三與子而以
七與壻子時長立果以財為訟壻持其遺書詣府請
如原約公閱之以酒酹地曰汝之婦翁智人也時以
子勿故以此屬汝不然子死汝手矣乃命以其財三
與壻而子與其七皆泣謝而去服公明斷前後治益
愛利之政不可悉紀舉其大者則公嘗以蜀地素狹

游手者衆事寧之後生齒日繁稍遇水旱則民必艱
食時米斗值錢三十六乃按諸邑田稅使如其價歲

米六萬斛至春城中細民計口給麥俾輸無估糶
之奏為永制逮今七十餘年 時有災饑米甚貴而
益民無餒色者皆公之賜也蜀風尚侈好遊樂公從
其俗凡一歲之內游觀之所與夫飲饌之品皆著為
常法後人謹而從之則治違之則人情不安輒以累
罷去嘗寫其真自號垂崖子復為贊曰垂則違衆崖
不利物垂崖之名聊以表德及公之亡也蜀民間之
皆罷市號慟得公遺像置天慶觀之仙游閣建大齋

會事之如生至今不懈昔召公分陝而治民愛而思之嘗聽訟于棠下戒勿剪伐羊公在襄陽立碑覲首民戴遺德遇輒墮淚後歷千餘年能繼其風凜然如存者獨公一人而已公有清鑒善臧否人物凡所薦辟皆方廉恬退之士嘗曰彼好奔競者將自得之何假吾舉益不貢士者凡二十年學校頽替公察郡人張及李畋張遠者皆有學行鄉里所服遂延獎加禮敦勉就舉後三人悉登科歷美官于是兩川學者知勸文風日振由公之誘掖也文章雄健有氣骨稱其為人嘗為聲賦梁公周翰覽而嘆曰二百年來不見

此作矣有文集十卷公以其年某月某日墓于陳州之某地夫人唐氏先公而亡繼王氏故河陽三城節度使同中書門下平章事顯之女封太原郡夫人天禧三年終于陳之私第子從質衛尉寺丞公亡未踰月哀毀而卒一女適故翰林學士王公禹偁子奉禮郎嘉祐孫幾人其為其官銘曰

大行時朔洪河瀉天河山之間寔生大賢不徒出惟聖偶焉發為事業文武之全兩治西蜀荐綏南夏易亂以寧即荒而化夫惟管蕭尚足王霸如公之才不宰天下而俾惠澤止濡一方錫民父母遺國棟梁

有煒公績日星之光何假斯文始得其芳

送公宰崇陽序

今之縣尹古之諸侯自秦郡天下小國皆化為縣
有政听郡條而後行縣有長觀牧守而後動秩卑祿
微弗足自庇固不暇使風俗之易移逮乎炎漢隆興
始有重外之旨故命郎官出宰百里之邑秩四百石
尊其位厚其祿蓋欲分君憂而求民瘼也由漢而下
邑官益卑故梁竦有徒勞之言淵明起折腰之嘆儕
胥伍吏區：于風塵間遂使抱王佐者恥而不居黷
貨利者稔而自處苟縣政有關率曰吾將罷茲邑而

適他邑焉用革焉縣人有病七曰吾將捨此民而蒞
他民烏用易焉觀其視一邑之政臨一邑之民若行
客之宅邸舍也待旦為去固無所惜焉風行雷同浸
而成俗良由國家小親民之任輕字人之官之所制
也將極其獎聖人孰能制乎

宋天王嗣位之五載親選貢士分甲乙科中甲科者
通理郡事乙科者專任縣政尊以廷評之位重以使
者之專縣政有關得以擅革縣人有害得以專易既
革且易不康何待詩所謂能官人者豈獨美于文王
乎清河張詠字復之本宅九河間少有奇節釣魚侍

膳外讀書無虛日秉筆為文落、有三代風今春舉
進士一上中選將我王命蒞乎崇陽分君之憂使帝
心休、乎求民之瘼使人心煦、乎江流之南郡大
惟鄂、人得賢六孔之樂波映鸚洲烟藏鶴樓白雲
芳草思古悠、堂有鳴琴足以振穆若之風樽有醇
醪足以春浩然之氣維江湯、鑑其襟袖維山峩、
媚其戶牖鱸得魚鱸果多橘柚吏隱于茲足保無咎
且優且游勿為江山羞復之勉旃云尔

湖北漕司乖崖堂記

李燾

乖崖堂為忠定張公復之作也乖則違衆崖不利物

此復之自贊其畫像云尔像故在成都仙遊閣上或
摹寫置鄂之部刺史听事後屋壁間迨監囂塵與像
弗稱余既更諸婁壘并書所以作堂意揭示來者謹
按復之名詠郢城人太平興國五年第進士宰崇陽
有異政淳化初由後儀擢使荆湖北路閱三歲召拜
樞密直學士尋出守成都大中祥符八年卒于淮陽
追謚忠定則皇祐三年詔也復之姦節景行海內傾
屬其居朝廷之日少處方面之日多不登相位君子
歸訖于時寇平仲王子明皆復之同年皆賢者平仲
相真宗攘却戎狄天下至今受其賜而復之頌謂澶

淵一擲我不能為使復之當平仲之任其處此必有
道矣玉清昭應宮之沒子明不能強諫奉天書行事
每有愧色復之獨抗疏乞斬丁謂以謝天下子明病
革真宗擬相復之則復之亡矣使復之無恙丁謂何
敢肆其奸欺周懷政雷允恭亦安從始禍復之嘗訊
平仲不學無術或謂復之太過而平仲獨心服為末
路低回還秉鈞軸訖與禍會視復之學術寧不少愧
哉復之本不欲仕希夷子謂當拯民于水火不宜輒
自肥遯復之乃任襍袂纓冠誠非得已凡所與交多
方外佚人視棄軒冕猶棄敝屣耳其至大至剛以直

之氣一生未始少屈至今凜然也畫像服飾悉如隱
者是殆將乘星戴雲揮斥八極超無友而獨存夫孰
敢嚇以臭腐拘係之使從乎惟茲江山皆復之舊所
經行風則神會尚能為余一來舊史恨復之太急躁
競此蓋當時奴婢小人私謗竊議果不足信要當以
宋子京趙閱道韓絳司空馬君實所錄為實上章攝
提格則余甲子眉丹稜李燾仲仁父書

崇陽縣重建北峯亭記

項安世

國家開闢之初治體恢洪世論闕曠外以兵界郡備
雖寡而政得立內以民界縣位雖下而教得行士大

夫春氣知道有行已濟時之功小民原慙從令有尊
君親上之俗方是時九河張公以伊管之才解褐赤
墀下授大理評事知鄂州崇陽縣見旼有負菜向村
者問而撻之曰此惰農也土俗以藝茶為生令皆拔
去植桑曰人將權汝此二事付之淺俗必曰行詭政
撻無辜民何疑而公安為之民安听之教成俗遷垂
利百世豈公與民獨得至此識治者必知所自來矣
縣之西曰美之亭縣之北曰北峯亭皆公遊賦之地
民舊以西庭祠公隆興二年詔其前於牧魚鰲移公
置北亭上亭久復廢慶元初王薄王君田奉公像祠

于學六年知縣事任君希夷謂祠于學良是然亭乃
公答情眊處也敬隆而迄氓士事而民勿瞻則公之
意其存者有幾乃復亭于此山上摹公像龕之使來
告曰九河公文在方冊行在記錄功在太史至今言
淳化咸平者猶以得公為盛况吾縣在窮山中戶不
能四千而其民乃得親受公教令今其在者若雲若
昆朝耕白泉之陂暮祝龍岩之谷遺迹隱然與二亭
而四可不謂榮乎幸自我一記俾君姓名與崇其間
安世按公以太平興國五年與寇萊公同第進士寇
宰巴東公宰崇陽皆在今湖北路至淳化元年公復

為荆湖轉運使時猶未分南北計其條教在民應不
減治杭蜀時今陳師道王得臣書中所記皆止二事
則知當時相與怪此然則士之行志豈易事哉蓋嘗
聞公之學遠有原緒以太極為本以陰陽為端視天
下禍福無足動其心者惟以尊主庇民崇本抑末扶
正黜邪為己任其為治務端好惡以新民明賞罰以
率下議者以公似諸葛孔明推此類觀之英霸明睿
誠庶幾焉然吾視任君操行修嚴而詞見淵遂幹畧
堪濟而風致遐謐大率揆宜施化量俗立規不為改
視易所之事而民自以不欺此其作計非襲公明甚

顧慨然與公相期亭上若出一門是必有可思者又
按陳氏書言公問菜時寔坐城門王氏則云登喜豐
亭見之今亭名小異而事與王合以余觀于張公當
以陳說為近未知他人以為何如併書之以告來者
嘉定三年正月十九日江陵項安世記

忠定公遺事

公令崇陽民以茶為業公茶利厚官將權之不若早
自異也命拔茶而植桑民以為苦其後權茶他縣皆
失業而崇陽之桑皆已成其為絹而北者歲百萬匹
其富至今始令下惟通城一鄉不交其後別自為縣

民之貧至今也

公在崇陽嘗坐城門下見里人有負菜而歸者問何從得之曰買之市公怒曰汝居田里不自種而食何惰耶答而遣之

張忠定公守蜀聞萊公大拜曰寇準真宰相也又曰蒼生無福門人李暎恠而問之曰人千言而盡者寇準一言而盡然仕太早用太速不及學耳張寇布衣交也萊公兄事之忠定嘗面折不少怒雖貴不改也萊公在岐忠定在蜀還不留既別頽萊公曰曾讀霍光傳否曰未也更無他語萊公歸取其傳讀之至不

學無術笑曰此張公謂我矣

右見談叢

昔忠定張公坐北峯亭視亭上田疇膏腴而無水利稍缺雨澤未多旱損公相視山川原隰高下可決渠剗通流灌溉遂以白泉上源為陂堰水入畊溉田數百頃後無復旱傷之憂公決遣多坐此亭視百姓耕作勸勤責怠故能地無遺利焉

右見圖經云見忠定語錄

公嘗為崇陽宰又嘗為湖右漕有功在民知植桑織絹事有足紀蓋崇民自昔惟以摘茶負販為業而不

知蚕繅織織之勤公至教其拔茶而植之以桑厥後
絲帛不勝用而民益富乃號劇邑然生齒滋衆而聲

溪山峻險而漕運阻歲常以支移苗斛為難及
公領漕又為請于朝俾以絹代詔下遂為永制訖今
稱便

右見通城縣祠堂記令饒伯達撰

故尚書張詠嘗謂人曰吾榜中得人最多慎重有雅
望無如李文靜深沉有德鎮服天下無如王公面折
廷爭素有風采無如寇公當方面寄則詠不敢辭

右見王文正公遺事

乖崖守蜀兵火之餘人懷反側一日合軍旅大閱始
出衆遂嵩呼者三乖崖之下馬東北望而三呼復攬
轡行衆不敢驩或以此事告韓魏公曰當是時琦
亦不敢措置

右見塵史

李順王均亂蜀張公鎮成都一日見一卒抱小兒在
廊下戲小兒忽怒批其父張公見之集衆語曰此方
悖逆乃自成俗幼已如此况其長成豈不為亂遂令
殺之數日間又一卒相毆公問知其一乃上名遂斬
次日自是一軍肅然

公允有興作先帖諸縣于民籍中係工匠者具帳申
來分為四番役十日滿則罷去夏則郊入午歇一時
冬抵暮各給木一樸以禦寒工徒皆悅有一瓦匠
因雨乞假公判云天暗蓋瓦雨下和泥事雖至微公
俱知悉

右見卮史

張詠知益州有巡檢所領龍猛軍人積為群盜龍猛
者本皆募群盜不可制者光之慄悍善鬪連入數州
俘掠而去蜀人大恐詠一日召轄鈐以州牌印付之
鈐轄愕然請其故詠曰今盜勢如此而鈐轄晏然安

坐無討賊心是必欲令詠自行也鈐轄宜攝州事詠
將出討之鈐轄驚曰某今行矣詠曰何時曰即今詠
頷左右張酒具城西門之上曰鈐轄將出吾今餞之
鈐轄不得勒兵出城與飲于樓上酒數行鈐轄曰某
願

垂崖先生文集目錄

第一卷

賦

聲賦

鯀鯀魚賦



放盆池魚賦



第二卷

古詩

悼蜀四十韻

愍農

陽春曲

勸學篇示弟說

緝書齋

勸酒惜別

解嘲篇

師鳳謠

驚樓篇

贈劉吉

送韓使君赴越州十一韻

留別博州推官楊丹

淮西叙別

淮西有答

寄晁同年

寄程說傳逸人

與進士宋巖話別

贈聶堯

訓所知

送張及三人赴舉

蕭蘭篇

東門行

白駒謠別高隨

澗旱

結交篇

祛惑篇

酣飲

二月二日游寶曆寺馬上作

書園吏申花開榜子

孟孟詞

筵上贈小英

第三卷

律詩

登崇陽縣北峯亭

登崇陽縣美美亭

縣齋秋夕

登黃鶴樓

新秦遣懷

登麟州城樓

郡齋秋夕

鄴中留別平仲

至道乙未蜀中送人東歸

再任蜀川感懷

蜀中傷陳恕左丞

寄傅逸人

每憶家園樂寄傅逸人

送張及之任穀城

送趙寺丞罷秩遊青城山

金陵郡齋述懷

郡齋書情寄仙游張及

淮陽書懷寄朝中親舊

遊趙氏西園

上楊大諫

寄田錫舍人

寄栢閣宗涓上人

寄郝太冲

送別蘇寺丞

送別祝隱士

送馬道人歸天台

送人北遊

歸越東舊隱留別秦中知己

贈祝卜隱者

贈孫曹二生

郊居會傳逸人
再會傳逸人
貽傳逸人

第四卷

律詩

郊居寄朝中知己
懷張白逸人
訪人不遇
和人惜春

酬宗人殿院見示詩集

依韻答人九華山圖

和人登朗州江亭

答人惠四明山蕉葉扇

旅懷

洛中寓居

公暇偶作

舟行感懷

舟次辰陽

遊桃源觀

舟中晚望桃源山

幽居

旅懷

吳宮石

旅中感懷

退居野墅

歸隱嵩陽

本農

喜雨

秋霖

庭竹

朝日蓮

弱柳

曲湖種柳

新移蓼花

第五卷

秋日登美美亭

縣齋感懷二首

寄高主簿

同韋主簿祈雨

新市驛郭同年

早發鄂渚

晚泊長亭驛

新秦送人東歸

相州官舍

赴職荆湖途中作

杭州一百五日水心亭留題

夫差廟

過華山

途中

驪山感事

再任益州回留題劍門石壁

洛中

舟行

峽路阻風

過武陵溪二首

桃源觀

夜坐

吊屈原

苦熱

雨夜二首

諭意

方竹二首

方竹杖寄蘓內翰

柳枝詞

和人牡丹

寄傅逸人

關下寄傅逸人

秋日寄友人

送別王秘丞

送別李司直

送魏道士

答劉道人

暮春憶友人

遣興勉友人

謝雲居山人州鞋

請人畫嵩山圖

鷺鷥

聞鷓鴣

第六卷

雜雜

詹何對楚王疏

擬富民侯傳贊

耕斧贊落二題

木伯贊

蘓公堰銘

張氏新小稿銘

三不欺箴

悞箴

編箴

謁狄梁公廟文

罵青蠅文

第七卷

書

上宰相書

寄張太玄書

答馬華進士書

與蘓員外書

大名府請首薦張單書

寄馮華李鏐書 回路逸人卷書

答王觀察書 答汝州楊太監書

答楊內翰書 寄張及寺丞書

與洪州安撫王雜端郎中書

與大諫陳情書 謝蔗文學書

答友生問文書

第八卷

記

麟州通判廳記

陝府回鑾寺記

益州重修公署記

重修轉運司公署記

春日宴李氏林亭記

序

送趙况進士謁李員外序

送田錫韓丕之任序

贈立生別序

許昌詩集序

送進士張及赴舉序

附碑銘

大宋贈左監門衛將軍上官公神道碑銘

第九卷

表

通判相州求養親表

荆湖轉運蒙 恩獎諭謝表

奏鄭元祐事蒙 恩獎諭謝表

讓起復表

謝起復表

賀西川賊平表

杭州蒙 恩獎諭謝表

謝恤刑表

賀聖駕幸澶州還京表

謝除吏部侍郎表

益州謝降詔獎諭表

昇州到任謝表

第十卷

表

賀東封禮畢表

謝賜御製封禪銘贊記副本表

甘露賀表

謝加階封表

昇州謝傳宣撫問表

謝加工部尚書再任表

昇州又謝傳宣撫問表

進文字表

謝除禮部尚書東封恩表

賀祀后土禮畢大赦表

謝加階食邑表

謝封贈表

辭赴陳州表

陳州到任謝表

第十一卷

狀

著作佐郎求免幕戍狀

奏鄭元祐事自陳狀

申堂自陳狀

謝賜曆日狀

廣都縣馮某毆母待罪狀

西川回乞持服狀

再任益州謝傳宣撫問狀

昇州謝就差江東安撫使狀

謝傳宣撫問失火及安撫人戶事狀

謝進文字賜詔獎諭狀

昇州謝恩撫問狀

謝賜衣祆狀

病瘡乞任使狀

陳州謝傳宣撫問狀

第十二卷

語錄

垂崖先生文集卷之一

賦

聲賦并序

聲賦之作豈拘模限韻春雷秋虫之為事也蓋取諸
聲成之文王化之本苟有所補不愧空言耳賦曰
罔象迷冥大人忽生混沌初竅呀然震驚二儀成形
萬靈吐英天機動制軋而為聲故形有美惡為聲有
小大為伊物類之動作俟人事而克全至于大雷隱
空萬竅吼風不為之隆品物磨臬羽足動發不為之
末末若人聲與天通功與物長雄口吻之放出于厥



躬道機之張騰凌鴻濛其所聞者義黃唐虞繼踵而
至宇宙隘其神造化侔其智在聲之偉也得不得天
而動地觀其得一之發清之冷之涼寒洗瀛萬類聽
之如懵而醒仁信之發溶之奕之呼道振德萬類聽
之如白破黑曰礼曰義相迭而起鳴孝響悌駭心清
耳萬類聽之如愁得喜廣成五老間而啟齒曰是何
帝皇之聲也如此九道交訛華夷和歌蠢動鼻息歡
吟寔多其在物也昭々融々萬緣和同萬籟響空答
天之功其在人也萬心氣平萬口宣騰雲門六英答
君之聲故知五音八聲之枝也欬金石緣竹聲之

器也欬若本不正而聲不清何嘗動天地泣鬼神而
有諸三五迭生異業同聲唱古寡應呼今得精儀礼
以之繁會時風為之勁清作礼者有周旋之矩制樂
者有大武之名故聖人之音鏗如錘金聖人之治濤
若流水加以商辛夏癸行無轍軌情慾沸空淫哇盈
耳民不知告政聲遂毀幽厲既作心胡可度唱僻者
輕脫和偽者交錯鼓鈺之響日馳礼義之風日薄王
道民政潰然投壑攻乎亡國之音聚為終身之樂秦
怪其聲天搖地坑烘赫火烈荒茫海傾阿房輦材積
泉山迴紫塞蒸壘旬轟震雷鉗聖愚儒四海睽孤刮

剝亡命痛腦連脛于是民失其業怨口喋々野薄其
農荆榛颯風刑失其矩民哀無所兵甲填委死為怨
鬼故怨之為氣也散為囂塵積為屯雲閉鬱六合陽
靈不曛怨之為聲也烈風相倚怒濤兼起鬼哭于郊
神號于市川谷為之闐擊山巒以之崩圯陳吳一呼
而宗社瓦毀天窮地終醜聲不已洎乎漢唐惟高與
光太宗繼堯開元嗣皇皆智冠絕古氣凌昊蒼倚天
憑怒即動盪于八荒按劔大呼即交映于中方借力
者黎獻助聲者賢良亦不能廣仁義于逸奏使道德
之激揚掩商秦之餘韻系唐虞之芳聲也未若我

后凝神定思誠求理致與聖作則為難于易惟礼是
崇惟仁是嗜叩乎杳冥清靜以聽聞古謬惑皇心不
平予以忠良是旌息吁嗟之聲不肖是黜息濫謬之
聲均物惻隱息哀怨之聲厚施薄斂息流亡之聲四
人是別息澆競之聲狴犴是理息枉寬之聲道德是
守息兵革之聲人勞是恤息彫斲之聲小人是遠息
邪佞之聲正音是奏息恣憊之聲奇哉壯哉堯嗟舜
驚致章獲之調下覺唐堯之頌輕浩々蕩々無得而
名謂聲之襲也洋溢昭灼上賢下愚既懽且詭鳥獸
踴々出虺躍々信千載之一時與有生而同樂余欲

引聲而作未知何若

放盆池魚賦并序

皇宋有天下十一年予自洛祖陝、收以近戚得侯
不喜儒墨遂憇駕于易兵部之館庭戶之間有盆池
為綠萍小鮮雜其中以節兒童之樂、則樂矣大違
夫物之性也遂命放之感而成賦

粵若金張貴孫風臺露軒珠翠爛目烟華斷魂未盡
瓌異慘然綺思遂命破苔紋陷陶器上分紅杏之陰
下決蓮塘之水予以責女昏誠童僕繫蛛絲之罟網
針織之魚、七繼致浣適我意宅與綠萍息溜香餌

日兮夕兮戲汝戲汝想其魚乎寧忘意歟稟天仁兮
化質飲靈泉兮孕軀豈不有晞狀運海之類豈不有
慕力噴雷之徒既履漸于鱗鬣安蹶媒于污渚今者
不樂動乃觸乎四隅客有詞軫窮轍詩歌荇葦將間
童子之欲用汲生、以理無毀爾岳無覆爾水江湖
可待與彼游泳之因樽俎不離解彼囚拘之恥去、
魚兮丁、我私游必避其醜類食無貪于童飴比目
義而可友文鯤賢而可眉壯禹門之燒尾擬碣石之
曝鱗如此則脫地壑排天池鯨鯢為之戢鬣波神為
之驚喜彼貴尺澤者曾何足知自迹圖遠通溪泛谷

一動一息爰長爰育斜流可畏蝮蛙之聲下多非淺
渚那輕收豎之鈎頭更曲得有悅者若前事力乎大
流欽王澤之下及或昆蟲之盛遊時奔雲雨之鄉神
其救早日警螻蟻之制愠莫吞舟無忽我誠無後尔
羞聊勝乎銜珠顧印之傳者也

鯀鯀魚賦并序

太平甲申歲余知邑罷歸浮江而北有若覆甌者漾
于中流移晷不藏舟人曰此噴魚也觸物即怒多為
鷓鳥所食遂索書驗名古謂之鯀鯀魚耳因而賦之
六欲刺世人之褊薄者

鴻濛積氣化生品類順天者自得美名逆天者謂之
凶器天亦不問任性而已鯀鯀微物江漢有諸性本
多怒俗號噴魚其或天晴日暖風微氣和鱗者介者
潛泳江波被大君之惠化共委之而化，鯀鯀憤悱
迎流獨逝偶物一觸厥怒四起膨欲裂腹不顧天地
浮于水上半日未已物或薦觸怒亦復始意謂天昊
曠越不與我遺大江之西流神龍俛默不與我禁水
族之勿游何巨魚之矯首何靈龜之縮頭何稱義于
比目何為祥之躍舟此類可怒其甚衆使我卒歲之
沈憂有若世之小人兮才荒性卑謂道德不可以稱

據謂仁義不可以取資成呼志狂而識昧獨謂量絕
乎天維妬 泄憤冥眸自欺觸藩增咎至死莫知尤
恐鯀鯀之遷怒慙此善譬之非宜嗚呼造化不能移
尔之性萬類不能與尔之競雖海有納亦物之病乃
為辭曰

鯀鯀褊僻常蘊怒色性不我移仁者尔惜殊不知老
鳶伺隙翩翹鼓翼啄腹為食其怒方息鳶非尔賊尔
自貽伊戚者也

平崖先生文集卷之一終

平崖先生文集卷之二

古詩

悼蜀四十韻并序

至道紀號元祀春正月為審官院考績引對

天子曰天厭西蜀歲荐飢饉任失其人枉政殘剥民
興嗟怨構孽肆暴授命虎旅殄滅兇逆矧彼黔首不
聊其生官人安民朕意罔怠寬則育姦猛則殘俗得
夫濟者寔難其人尔惟古直歷政有績印轅幽遐往
理其俗克畏克愛汝其欽哉祇奉厥命乘輅西征夏
四月廿有八日供厥職運謀庸陋罔敢怠忽豪猾抑

之賦歛乃息存恤窮困招綏流亡杜厥剝削宣揚皇
風間一歲而民弗克安非郡縣之罪將偏之罪也有
聽者孰不知民心上畏王師之剝掠下畏草孽之強
暴乎良家困弊漸復後賊廢饒其死深可忿也

天子遠九重孤賤者憚權豪而不敢言嗚呼雖採詩
之官闕之久矣而歌詠諷刺亦不可寂然其敢作悼
蜀古風詩四十韻書于視政之廳有識君子幸勿以
狂瞽為罪

蜀國庶且富風俗矜浮薄奢僭極珠貝狂佚務娛樂
虹橋吐飛泉烟柳閉朱閣燭影逐星沉歌聲和月落

聞雞破百萬呼盧縱大噓游女白玉璫驕馬黃金絡
酒肆夜不扃花市春漸作禾稼暮雲連紈繡淑氣錯
熙熙三十年光景倏如昨天道本害盈侈極禍必作
當時布政者罔思救民瘼不能宣淳化移風復儉約
情性非方直多為聲色著從欲竊虛譽隨性縱貪攫
蚕食生靈肌作威恣暴虐倭罔

天子聽所利惟剝削一方忿恨興千里攘臂躍火氣
烘寒空雪彩揮蓮鐔無人能却敵何暇施擊柝害物
躓貨輦皆為白刃爍瓦礫積臺榭荆棘迷城郭里第
鎖苔蕪庭軒喧鳥雀斗粟金帛酬束芻綺羅博悲夫

驕奢民不能飽葵藿朝廷命元戎帥師盪兇惡虎旅
一以至梟巢一何弱燎毛燭晶熒破竹鋒熠燿兵驕
不可戢殺人如戲譴倪旄皆麗姝玉石何所度未能
剪強暴爭先謀剽掠良民生計空賒死心墮獲四野
構豺狼五畝孰耕鑿出師不以律餘孽何由却鄙夫
熾蜂蠆寡術能籠絡邊陲未肅清何顏食天爵世方
尚奔競誰復振謇諤黃屋遠萬里九重高寥廓時稱
多英雄才豈無衛霍近間命良臣拭目觀奇畧

勸學示弟說

大化不自言委之在英才玄門非有閉苦學當自開
世上百代名莫遣寒如灰晨雞固自勉男子胡為哉
胸中一片地無使容纖埃海鷗尚可狎人世何嫌猜
勤慎君子貶頽閔如瓊瑰刻薄小人事斯輩真可哀
放蕩功不遂滿盈身七災將心須內疚禍福本無媒

愍農

悠々世事稱無窮千靈萬象生虛空活人性命由百
穀還須着意在耕農自有奸民逃禁律農夫倍費耕
田力青巾短褐皮膚乾不避霜風與毒日暮即耕兮
朝即耘東坻南壠無閑人春秋生成一百倍天下三
分二分貧天意昭々憐下土英賢比跡生寰宇懲奸

濟美號長材來救黎元暗中苦我聞慙農之要簡而
平先銷坐食防兼并更禁貪官與豪吏慙農之道方
始行

緝書齋

綠流北面桃花中書齋閉鎖塵朦籠紗牕桂戶明月
空塔前艸深鳴細虫古書閱久陰生蠹治世之文欲
無緒彫梁語燕不復歸華池皓鶴先飛去我來憇駕
吟清春呼奴嘯匝連揮斤一日整戶庭二日芟荆榛
薙草留蕙若掃逕連松筠千花萬木似得意幽香細
韻來相親衆口藉之道一以如初新伊余世上耽書

客古今萬事羅胸臆運海博風當振翼任是青天更
高碧

陽春曲

東風習習吹庭樹知道春權移日取青紅獸解露春
心凝冷無言避春去大有閑塔白日長清詞麗句祝
春皇春皇不肯論功烈惟有年年君道昌

勸酒惜別

春日遲遲輾碧空綠楊紅杏描春色人生年少不再
來莫把青春枉拋擲思之可不令人驚中有萬恨千
愁并今日就花始暢飲座中行客酸離情我欲為君

舞長劍、歌苦悲人苦厭我欲為君彈瑤琴淳風死
去無回心不如轉海為飲花為幄羸取青春片時樂
明朝匹馬嘶春風洛陽花發胭脂紅車馳馬走狂似
沸家、帳幙臨晴空天子聖明君正少勿恨功名苦
不早富貴有時來偷閑強歡笑莫與離憂賈生老

解嘲

我本高陽徒平生意氣凌清虛詞鋒即日未見試壯
年束手來窮途蛟龍豈是池中物風雨不來狂不得
五都年少莫相猜鸞鳳雞犬非朋儕志士抱全節愚
下馬復知寧作鶩鳳飢不為雞犬肥君不見淮陰漢

將未逢時市人頗解相輕欺又不聞宣尼致、救亂
治厄宋圍陳亦何已往者尚有然余生勿多恥休誇
捷給饒聲光莫以柔滑勝剛方我愛前賢似松柏肯
隨秋草凋寒霜道在康民致堯禹豈要長徒論可否
興來轉脚上青雲何必羸驢苦相侮

師鳳謠

我聞丹山之鳳非有八翼四足分何羽毛之稱奇蓋
仁于不殺義于知時既信厚于動止而淳音其用稀
是以衆鳥樂而從之吾疾夫世之小人兮曾不知仁
義之所為故卷耳感頸背而疾走兮吾鳳之師

驚棲曲

天昏、月媚、驚棲之鳥伊啞而翩翩豈非海寒天
風惡扶桑半折枝巢落又非鷓鴣之不仁郊林何苦
難容身吁噫哉鷓、翼翼出蓬蒿欲就高鳳高壘巢
安巢待何時平林容低枝、低苦賤良可越却厭爭
飛嘯鷓鴣星稀夜寒啼轉多恐作枝間斷腸血人生
功名難與期聽之永夜生愁思援琴欲理驚棲曲調
苦聲悲不相續

贈劉吉

天地有至私劉生與英氣學必摘其真文能取諸類

叫回堯舜天臨破周孔耳通塞不我知要在觀生意

居危不苟全憑難立忠義

仕江南偽王指斥奸佞曰果信是人國將亡也

歸國有賢名天子聞之喜倒海塞橫流掀天建高議

治黃河有功議邊將不才廷及大臣阿諛

冒死雪忠臣

証楊業忠之為奸臣所陷謹言

警貴侍貴指中四海多壯夫望風毛骨起如今竟陵

城權司茶菽利鶴情終是孤仁性困亦至勞、憂眾

民吐、罵貪吏方期與叫閣此寔不可棄如何不自

持稍負纖人累酣歌飲酒徒亂入垂楊市狂來拔劍

舞蹈破青苔地群口吃若奇我心憂尔碎請料高陽

徒何如東山器請料酒仙人何如留侯志去矣劉跋

江深心自為計

送韓使君赴任越州十一韻

聖皇憂越人與之求良牧韓侯簡帝心受詔荒東服
再拜陳苦詞臣生非碌碌未得滅匈奴雖榮之為辱
戎醜方歛盟宸思倦兵黷難展窮北威遂作東南福
况有重慎資足致奸巢覆况有明恕懷可使夷人服
行歌烟靄空坐咲江山綠無憂報政遲只怕微還速
他日遺遠書幸勿忘蘭菊

留別博州推官楊丹

郊亭欲別時霜葉翻空日男兒志在乘長風去便離

憂慘顏色鑽鉅煌煌對尊酒醉舞不成空握手恥唱
悠々易水歌羞折絲々關外柳我欲為君搯峻節研
清詞古來賢聖同驅馳連城白壁不足道濟時才畧
為藩籬一似答惠貺再欲酬心知從今明月夜徒有
遠相思

淮西叙別

天門高兮未我揭驅馬淮西阻風雪高陽狂客夜歎
門清談大咲傾金尊一飲史君樓騰々醉未休再約
娛賓曲歌聲喧耳目宛若子之哲兮精神多嘔奇
穆矣簪纓之後兮動止饒令儀繁花不染君子道大

鵬自有飛鳴時何顧我之矜、不可無言而辭

淮西有答

天教明道知經綸只在尊君兼庇民鶴板未徵身且
賤輕車素珮遊紅塵飄飄齊與魯半醉半醒陳
復楚夜倚西風拔劍舞拔劍舞擊劍歌青雲路遙心
奈何

寄晁同年

昔同白日昇穹碧還同水國司民籍三年不見頻寄
書兩月相遇忘行役桃花江上雪霏、黃雀樓中風
力微幽勝逼人覓欲飛此時不醉無與歸人間美事

應有主別馬蹄沾邊塞土南樓一望心淒迷昨夜疎
簷滴寒雨休誇筆力峻真風勿憶雲山千萬重但遇
西風一行雁殺青相問莫辭慵

寄程說傅逸人

綠楊陰映長楸道桃李初飛紅杏小手扶大白口談
天得意相歡不知老一從召入金馬門三載長纓事
邊徼幾欲含毫寄別離悠、亂思如芳草

與進士宋嚴話別

人之相知須知心、通道氣情轉深凌山跨陸不道
遠躡屩佩劍來相尋感君見我開口笑把臂要我談

王道幾度微言似愜心投益着地推案叫此事置之
無復言且須舉樂催金瓶人生通塞未可保莫將閑
事縈心田興盡忽告去挑燈夜如何彈琴起双舞拍
手聊長歌我輩本無流俗態不教離恨上眉多

贈聶堯

聶堯懷抱何翹然遊心聖道三十年智泉湍激橫碧
海文山竒崛凌青天神光氣溢眸子好常談盡是經
綸道早求入用活蒼黔莫向塵中虛自老

訓所知

皇風浩蕩吹大地天下英髦連鳳起海鵬一飛一萬

里三尺微風何謂足

送張及三人赴舉

才雄楊子雲古稱蜀川秀千載遺英聲三賢繼其後
文章積學成孝友六天授遠郡得光庭期將免固陋

蕭蘭

種蕭芳蘭中蕭生蘭六瘁他日秋風來蕭蘭一齊敗
自古賢者心所憂在民泰不復夢周公中夜獨慷慨

東門行

茫茫六合生萬靈周公孔子留賢名伊余志尚未著
調秋風拔劍東門行金龜典酒知是誰逢君使我擣

雙眉眼前萬事不足問要頭醉倒高陽池

白駒謠別喬隨

白駒如龍兮透而逸紅繩未絆兮天之涯秋風萬里
思鄉時傷離群兮嘶復悲

憫旱

皇天詔龍司下土穀苗乾死天未雨如何不念蒼生
苦村落蔽_二椎旱鼓

結交

古人死恨為交難交心不移誠可歡頌知閻水生波
瀾壯夫一飲摧心肝

祛惑

過與夜光不肯要捉得泥丸美到老因嗟蜀望無胸
懷至今號作思歸鳥

酣飲

不敢指天象_二中皆有神不敢說人事謾至奸邪嗔
豈若內酣飲兀然陶吾真 小不見吾真大無倫
真苟無所適亦免招悲辛堪笑古人愚刺輒徒殞身

二月二日遊寶曆寺馬上作

春遊千萬家美女顏如花三_二兩_二映花立飄飄似
欲乘烟霞我身豈比浮游輩蜀地重來治凋瘵見人

非理即傷嗟見人歡樂生慈愛花間歌管媚春陽花
外行人欲斷腸更覺花心妬蘭麝風來透郭聞輕香
昔賢教戒驕蕩猖狂不是風流樣但使家肥存禮
讓歲歲春光好游賞

書園吏申花開榜子

後園花開紅滿枝太守倦遊紅不知看花小吏報花
信太守茫然心忽悲頭上光陰瞥尔過昨日少年今
老大見說花間舞蝶狂翻飛更着游蜂和

孟詞奇情托意近敬乘間
党項婦女卷葷葉吹之名曰孟

胡中不識春時節門外春回花未發奴家聞道漢宮

春遙望南天拜新月攢雙眉別部胡笳聲六悲低頭
自嘆胡無知

筵上贈小英

天教博百花博作小英明如花住近桃花坊北面門
庭掩映如仙家美人宜稱言不得龍腦薰衣香入骨
維揚軟殼如輕雲毫郡輕紗若蟬翼我疑天上娶女
星之精偷入筵中名小英又疑王母侍兒初失意謫
向人間為飲妓不然何得膚如紅玉初碾成眼似秋
波雙臉橫舞態因風欲飛去歌聲遏雲長且清有時
歌罷下香砌幾人魂覓遙相驚人看小英心不足我

看小英心本足為我高歌送一杯我今贈尔新翻曲

辛崖先生文集卷之二終

辛崖先生文集卷之三

律詩

登崇陽北亭峯

高榭臨公宅凭軒萬木秋
亂雲橫島嶼鳴雁下汀洲
到此欲沉醉何門銷舊愁
若為陶靖節容易賦歸休

登崇陽縣美亭

萬象盤迴處年來此創亭
喧闐當邑地清絕倚禪扃
砌迥波流碧牕涼洞壑
青人家晴渡口漁釣煖沙汀
岼竹風成韻翠禽曉晒翎
栽花多是藥題壁半書經
遠客憑消恨高僧與勒銘
掃苔朝復暮間日醉還醒

不可窮吟思將思列畫屏浮虛莫輕賞美、獨丁寧
縣齋秋夕

才薄難勝任空銷懶惰情公堂群吏散苔地亂蛩聲
隔歲鄉書絕新寒酒病生方今聖明代不敢話辭榮

登黃鶴樓

重、軒檻與雲平一度登臨萬想生黃雀信移煙樹
老碧雲魂亂晚風清何年紫陌紅塵息終日空江白
浪聲莫道安邦是高致此身終約到蓬瀛

新秦遣懷

貂褐久泛戎因令筆硯慵梳中見白髮枕上憶孤峯

風動沙昏晝寒多雪折松此心無與問長願酒盈鍾

登麟州城樓

莫問戎庭苦高欄是夕攀時清官事少邊靜戍人閑
雉堞臨寒水穹廬倚亂山皇恩正無外不擬更移關

郡齋秋夕

久負嵩雲約年來半白頭風驚落葉夕雨滴戍城秋
調古將誰合心狂慢自愁遲迴不能寐重起凭危樓

鄴中留別平仲

聞說懷經濟乘閑過隱廬話言殊不逆交分合何如
道愧將時背心非與世疎淒、重惜別蟬噪古槐初

至道乙未蜀中送人東歸

綠楊影裡卓旌旗一曲驪歌獨泫然
顧我無才狂似鹿羨君清節直如絃
錦城寇難初平日帝里春和入
謁天好竭忠誠佐賢主莫教奸佞苦妨賢

再任蜀川感懷

官職過身髮已衰傍人應訝退休遲
後來蜀地稱難制此是君恩豈合違
兵火自由難即問郡城牢落不勝悲
無煩苦憶思諸葛只可頌條使衆知
李順劉幹三亂蜀人思得葛亮整之亮遇離亂提一旅之兵平定川陝此非宏才異畧則不濟也方今天子明聖國富兵強只宜遠取寬平之詔禁暴刑殺之令不丰年自整京

蜀中傷陳恕左丞

英質去世同悲管葛才能更比誰
心盡西山離隱後名喧深殿受恩時
謀猷不枉稱人傑精審真堪作
吏師謾說高原向東哭路長天遠豈能知

寄傅逸人

鷗鷺憐疎野朝昏繞戶飛有誰知
此意獨立對斜暉落葉堆荒徑
澄泉照白衣聖君方急善應好下魚磯

每憶家園樂蜀中寄傅逸人

每憶家園樂當年枉用心
翻身期濟物明代已腰金
守道知無取防奸似不任
伏今得休去誰肯羨為霖

其二

每憶家園樂名賢共里閭劇談祛夜瘡

開寶中與傅會於韓城終

夕談話諸隣病瘡皆云不發

幽夢驗鄉書

每發家書必先夢

漸老性情懶

隔年音信疎終嫌累高節不得薦相如

淳化末余直省審使人誘

傳意勉之任進傳以為荐已

送張及之任穀城

不求灼灼不卑垂自愛先賢力自為德行舊多鄉曲

譽文章新受聖皇知辭親西國春方好去路千峯窄

亦隨若到縣封修政術漢南元牧是良龜

李道知州

送趙寺丞罷秩游青城山

公餘長閉目只是老心情聞道尋山去連忙出戶迎

好峯須到頂靈跡要知名回日從容說余將少解醒

金陵郡齋述懷

傍人徃々羨清途野逸情懷六自扶官舍四邊多種

竹潮溝一面近生蘆病嫌見客低徊甚老覺臨官氣

味麤不信浮名是身累有時閒撚白髭鬚

郡齋書情寄仙遊張及

老來慵仍甚榮名舊日疎又因經歲病不答故人書

閑閣僧歸後看山吏散初何因論心跡之子最相

于

淮陽書懷寄朝中親舊

聖恩重疊念龍鍾，新賜淮陽望日崇。
終有筋骸堪策杖，無情緒可憂公日思舊。
隱歸何計或問前程笑指空，昨日憑高向西望。
滿川烟樹雨濛濛。

游趙氏西園

蜀中春豔世間殊，比並陳園恐未如。
數里花光浮暖日，六街塵淨見香車。
翻空雅樂催歡處，入格新詩上板初。
方信承平無一事，淮陽閒殺老尚書。

上楊大諫徽之

東南雲物異，端正產賢人才大。
何高古名雄始入秦。

丈江橫舫檝，藝圃刻荆榛。
民事憂偏切，金門老更親。
天教任孤直，帝七賞清貧。
功業榮書史，銓題洽縉紳。
苦聞辭祿綬，遠擬訪仙真。
卻願希顏者，遲留塞艸春。

寄田錫舍人

當年心計此心知，忽逢人久自疑。
枉是憂公生白髮，有何長畧謝清時。
林僧已怪抽身晚，朝侶猶嫌到闕遲。
多喜通規識幽抱，路遙無處寄相思。

寄栢閣宗涓上人

周衰風雅交詩匠，著禪衣身世閑。
雲片煙霞共崔歸，引泉涼月動。
徑落花飛自信甘，時拙終求對掩扉。

寄郝太冲

閒愁休問意休疑
此事關身合再思
心靜易求長世
法氣狂難與少年時
新編到底將何用
舊好如今更有誰
猶憶公堂秋會否
遠憶寒竹夜風吹

送別蘇寺丞

公身多不定何路
慰飄離莫以微言合
苦將幽思悲
山程朝醉少雪屋
夜眠遲即問逢春
約芳菲折贈誰

送別祝隱士

龍鍾塵滿衣時、
扣柴扉暫慰經年
別人驚千里歸
山川秋末後風雪
雁來稀莫便長休
去明時待發揮

送馬道人歸天台

遙山長欲便辭榮
見說天台益自驚
絕頂要歸終久
住此時無計伴師
行囊携出藥身難
老路接仙橋眼
更明莫笑宦途滋
味薄五湖曾有片
帆輕

送人北遊

惹親別幾時又作
壯遊期萬馬方征
虜單車欲訪誰
遠身孤劍共幽抱
素琴知應渡黃河
夕波濤驚夢思
歸越東舊隱留別
秦中知己

客亭楊柳葉初殘
歌咽秋空慘別顏
吟愛好峯歸越
路醉衝寒雨出秦
關烟蘿庭戶重栖
倚漁浦人家舊

往還縱使功名無分得免教心在怨尤間

贈祝隱者

當年辭聘幣高卧魯郊西道與常流別名將往哲齊
細虫喧四壁芳艸暗前溪猶有談玄叟時一杖藜

贈孫曹二生

西洛繁華外幽竒二隱同喧卑不入耳賢達許高風
宮水當門落僧園舊徑通看書悲往事坐石笑晴空
世界搜吟內山川曠望中憂人遇憂已豈是卧雲翁

郊居會傅逸人

久客倦驚魂田居乞暫安義寧忘力學貧要奉親歡

枕外河聲老門前野色寬支流狂繞砌叢葦品當欄
書葉招隣彥扶筇話肺肝吟懷難契遇醉語動辛酸
隱几歲時交凭軒雷雨殘致君須有分會此擲魚竿

再會傅逸人

分到知心死不輕幾年曾是愴離情微風吹雨雁初
下落葉滿堦虫正鳴時靜苦嫌論劍畧簞涼頻喜轉
琴聲從來共約雲泉老肯向人間占好名

貽傅逸人

少年名節動人群避俗身居積水濱幾為典衣留遠
客半來敲枕看閒雲門連酒舍青苔滑路近沙汀白

烏分誰道無情活黎庶數篇新製詠南薰

平崖先生文集卷第三終

平崖先生文集卷之四

律詩

郊居寄朝中知己

年來流水壞平田客徑窮愁自可憐汀葦亂搖寒夜
雨沙鷗閑弄夕陽天狂嫌濁酒難成醉冷笑清詩不
值錢碧落故人知我否幾回相憶上漁舡

懷張白逸人

昔年吟社偶通隣常貴高風入格真名好已期天共
歌性孤翻與世無親梁園醉別花燒眼楚寺秋歸雀
伴身從此幽懷不能說五湖烟月二京塵

訪人不遇

舊徑蒼苔合，兒童獨閉門。
踏霜歸遠店，涼月照空尊。
雁響蘆葭浦，風驚橘柚村。
知音在何處，凝寂欲銷魂。

和人惜春

白日不暫住，催春去忽賒。
頻須傾綠蟻，未忍掃殘花。
漸恐凋雙髮，堪驚遠別家。
歌臺重一望，烟樹數行斜。

酬宗人殿院見示詩集

句好如天設，看來字字精。
功夫能到此，心意可知清。
已得風雅正，任從時世輕。
何當較才用，期與二南并。

依韻答人九華山圖

每憶眠雲處，當筵列翠屏。
有時聊極目，盡日坐忘形。
去此心惟苦，懸圖恨忽醒。
數峯秋欲活，虛籟夜重聽。
地鎮三吳遠，天連萬古青。
幾人曾得道，是艸即通靈。
松雀閑窺鼎，龕僧暗誦經。
終須卜長往，迴首謝明庭。

和人登胡州江亭

城上江亭簇暮烟，城根老樹浸江瀾。
何人臨靜夜，歌罷獨客凭高秋。
興寬直下路，通諸國遠偏東山。
隔半溪寒，漁翁似會清吟意。
笑逐江鷗過淺灘。

答人惠四明山蕉葉扇

團團休復頌，齊執蕉葉精。
新舉世傳更愛四明來處。

異可量三伏用時便已無酷暑侵肌骨肯放青蠅觸
几筵因藉仁風慰黎庶寧知不及古人賢

旅懷

移文休誚客衣塵欲去終慚未了身一夕亂虫驚別
恨滿塔紅葉愴吟神東周任久知音少白社拋來舊
業貧猶喜陶潛逸籬菊帶霜開得數枝新

洛中寓居

風塵藉、伴窮途旅賃高齋洛水西綠樹不知游子
恨夕陽閒引杜鵑啼苔侵舊徑來人絕花滿南軒翠
竹低自笑詩書冷無味抱琴塔下州婆

公暇偶作

世情多與道相違偶忽公開便息机貪競已從心下
絕愛憎還覺眼中稀時文鍊澆教歸正聖易參研盡
入微本要資身兼報國安知四十九年非

舟行感懷

風帆江上往來頻漁叟應多笑此身自愧無才酬聖
澤已甘行樂負青春疲羸未復空忘味網緒難條欲
問津更擬傾杯祝天地世間不用長奸民

舟次辰陽

昔賢勞苦為憂官我自無才欲忘食鳴棹幾程灘勢

惡宿亭一夜雨聲寒山連古洞蠻烟合地落秋畬楚
俗歡雖指公餘便東下好峯猶得捲簾看

游桃源觀

一從仙去失仙源樹老臺荒又幾番塵世莫嗟無分
到星壇空自有名存竹邊風健秋醒眼花底泉香夜
斷魂多少尋真舊題處我來重與拂苔痕

舟中晚望桃源山

仙山初指眼初明倚棹因妨半日程雲裡未忘尋去
路世間爭合有浮名岩空閣老松千尺天靜時聞雀
一聲更謝暮霞憐惜別滿坡紅影照崢嶸

幽居

落花時節掩關初請絕江城舊酒徒滿屋煙霞春睡
足一谿風雨夜燈孤易中有象閑消息身外無求免
嘆吁多謝岩僧頻見訪欲迴流水又踟躕

旅懷

儒術精窮久風塵髮欲衰知音豈易得搔首獨何為
寓舍思親處秋原墜葉時樂天吟更苦笑五陵兒

吳宮石四正題曰醉石晒藥石翫月朝天坛

何人移置向何年牢落空庭見斷禿行外松間滋澹
埒土昏芍染更爛編貪憐翫月名偏好莫問朝天信

不還閑醉閑吟聊自得漸無鬼夢憶歸山

旅中感懷

人世貪名豈是閑幾回思美幾凄然故鄉路遠不得
信寒月夜來還復圓霜起悲鴻歸楚澤風移殘燒下
秦川莫言酒作銷憂物更有新詩一兩篇

退居野墅

選得烟村寄掩扉拙謀翻似解忘机名場未入老將
至鄉信不來春欲歸窓背晚陰黃鳥語簾橫幽徑落
花飛何由盡會蒼之意時復携筇上翠微

歸隱嵩陽

浮世事無限何須要到頭壯心為客盡孤跡卧雲休
匣劍已全棄林僧少酬後來愁恨意乞待外人愁

本農

奢競若不息生民只有冤誰搜元化窟鑿斷麗華根
使絕侵奪苦著為明聖息何煩重師古即此是義軒

喜雨

救旱功何遠淋漓晝復昏風雷潛助勢草木豈知恩
積霽消殘影枯源漲舊痕朗吟渾得意重起凭前軒

秋霖

觸石便溟濛經旬失遠空深疑竹箭浪兼起蓼花風

淨長苔痕綠寒催木葉紅蒼々不可問惆悵漢陵東
庭竹缺

朝日蓮

挺秀誠堪貴根莖豈異蓮高低全賴水舒卷自知天
已任群芳妬難妨後笑偏向明終有待呈艷不爭先
愛重頻移席徵求苦費錢蘭蓀饒酷烈桃李愧奢妍
應瑞花中絕標名世上傳須栽禁池內用表太平年

弱柳

枝莖何弱種何綠著架扶持勢可憐但見高低常衛
足更無踈踈欲奈天離情謾指千條線野興堪驚一

點烟最惜柔情似君子夜涼重起透欄邊

曲湖種柳

曲湖連曲接平蕪前事因循好歎吁不見有源堪畝
鑿便來此地費工夫蛙能聚響難停息蓮本含香舊
已無夾岸近教多種柳少延春色到城隅

新移蓼花

蓼叢踈淡老相宜移傍清流曲岸西紅穗已沾巫峽
雨綠痕猶帶錦江泥吟狂不覺驚幽鷺立困翻疑在
舊溪官滿便應離此去可憐心緒更難齊

垂崖先生文集第四終

垂崖先生文集卷之五

絕句

秋日登美仁亭

野人官職與心違
何況經年未得歸
秋風無限
思偶來凭檻到斜暉

縣齋感懷二首

前朝官政似無端
彭澤先生百日還
堪愧崇陽九河
客明時不敢自歸山
傍人休愛命皇華
即問何能報國家
長憶鄉園舊廬
舍會須拋印自鋤瓜

寄高主簿

青霄數日路岐通，何惜江頭暫駐蹤。
猶有同來未歸者，驟齋寥落倚干峯。

同韋主簿禱雨

棲竄聲譽喧群口，擲地辭華衆莫傳。

禱

處萬家瞻仰

新市驛別郭同年

驛亭門外叙分携，酒盡揚鞭淚濕衣。
莫訝臨岐再迴首，江山重疊故人稀。

早發鄂渚

五里亭東曉色分，數峯連絡倚青雲。
回頭却領新榮戟，孤負滄州野雀群。

晚泊長亭驛

驛亭斜掩楚城東，蒲引濃醪勸諫慵。
自恣明時休未得，好山非是不相容。

新秦送人東歸

郡齋空古塞垣西，總喜相逢又解携。
若值山東豪俠問，嵇生慵更作書題。

相州官舍

林木千重鄴郡樓，西山濃翠漳河流。
思量自古英雄

葦幾箇驩娛到白頭

赴賊荆湖途中作

闕下過從禮數頻到官憂事更勞神每逢山驛連宵
住似待孤雲憫此身

杭州一百五日水心亭留題

湖邊三月百花紅湖上遊人處處通莫怪一時來便
去知余心地似虛空

夫差廟

由來邪正是安危不信忠良任伯嚭自古家、有容
冶何須亡國殫西施

過華山懷白雲陳先生

性愚不肯林泉住強要清流擬致君今日星馳劍南
去回頭慚愧華山雲

途中

人情到底重官榮見我東歸夾路迎不免舊溪高士
笑天真喪盡得浮名

驪山感事

古來仁聖最憂多合倚承平縱逸麼行幸未停歌未
闕羯胡兵已渡黃河

再任益州回留題劍門石壁

劍門山勢碧摩天
匹馬重來鬢已斑
多賴皇明燭幽
遠西川無事得生還

洛中

翠輦西巡未有期
玉樓烟鎖鳳參差
可憐三月花如錦
狂殺滿城年少兒

舟行

江邊烟艸濕

沙白頻翹鶯一隻

細不知

雨中時起閉船窓

峽路阻風

蒿雲草：失前期
佐主無才髮有絲
年落江灘阻風

夜峽猿聲裡坐多時

過武陵溪二首

生平苦愛山
魚水南國晴凝盡
可携即問世間誰見
我扁舟初下武陵溪

武陵山下水冲溶
往事追尋興莫窮
欲就漁人問閑
趣葉舟齊過蓼灣東

桃源觀

簷下山光砌下苔
人間重遇眼重開
舊林諸子休移
請已許孤雲作計迴

夜坐

流水涓涓落砌莎
竹窗殘月冷無多
傍人不念思鄉苦
獨奏南樓一曲歌

弔屈原

楚王不識聖人風
縱有英賢志少通
可惜靈均好才術
一身空死亂離中

苦熱

赫日炎炎燠遠空
泉邊樹底亦無風
行人莫便多辭苦
猶勝東郊炙背翁

雨夜

四簷風雨滴秋色
醉起重挑背壁燈
世事不窮身不

定令人間憶虎溪僧

又

簷幙蕭蕭竹院深
客懷孤寂伴燈吟
無端一夜空街雨
滴破思鄉萬里心

諭意

但求報國莫求名
說着陰功是有情
楚漢既分寰宇定
留侯先意便辭榮

方竹

笋從初籜已方堅
峻節凌霜更可憐
為報世間邪佞者
何如不似竹枝賢

又

枝、方直綠參、林葉踈紅始見心却恐當時惡圓
佞結根遙向楚雲深

方竹杖寄蘓內翰

一尋方直剪湘烟欲寄先愁見賞難指佞扶危兩堪
試惟憑不作瘦藤看

柳枝詞七首

玉門關外絮飛空破虜營前畫影濃可使銷兵無行
役恐教攀折怨東風

二

青連遠戍和烟重靜映疎櫳翠縷輕遊子不歸春夢
斷南村一樹有啼鶯

三

遠暎天街近繞堤長條無力自相依上陽宮女愁方
絕又是東風有絮飛

四

水邊輕弱地多宜總種纖枝又引枝不及垂陰蔭堤
上春風一路送七隋

五

海潮聲裡越溪頭誰種千枝夾亂流安得辭榮同范

蠶綠絲和雨繫扁舟

六

帳偃纓垂已有名水邊花外更分明前賢可得輕詞
句幾交新聲入鄭聲

七

吳王愛重為遊從歲々添栽後苑中家國旋亡臺榭
毀數株臨水尚牽風

和人牡丹

桃源分散恨無期忽憶江城見有時歌遠醉園拋不
得幾人終夜起題詩

寄傅逸人

當年失脚下漁磯苦志明時未得歸寄語巢由莫相
笑此心不是愛輕肥

闕下寄傅逸人

疎々蘆葦映門牆更有新秋膾味長何事輕拋來帝
里至今魂夢遠寒塘

秋日寄友人

柳條風暖會吟詩林下池邊屐齒移別後過後更疎
懶暮蟬嘹亂不勝悲

送別王秘丞

帝鄉三十年前別江外相逢髮已衰清論未窮行計
速為君臨水立多時

送別李司直

亭下依微見遠村亭中離恨若為論數聲歌罷揚帆
去愁絕相看有淚痕

送魏道士

江上蕭蕭木葉飛天台在客杖藜歸莫嫌俗吏勤相
傾曾是嵩陽舊掩扉

答劉道士

嵩陽峯底洞中天曾共浮丘對掩關知道高閑少經

濟折腰從此到人間

暮春憶友人

楊花零落暮春風醉起南軒夕照紅閑倚蕉桐坐無
語故人相隔海門東

遣興勉友人

人生三萬六千日二萬日中愁苦身惟有無心消遣
得有心到了是癡人

謝雲居山人草鞋

雲居山客草鞋為鞋路徑千峯此寄來昨日公餘偷步
躡萬端心緒憶天台

請人畫嵩山圖

嵩陽三十六峯寒向為時明隱道難却
頌事繁思不及如何與作畫圖看

鷺鷥

碧蘆風暖健精神烟淡烟濃片影分
天怪覓魚心不足未教名與雀同群

聞鷓鴣

畫中曾見曲中間不是傷情即斷魂
北客南來心未穩教聲相應過前村

辛崖先生文集卷第五終



